

Sprachwelten

Excursiun da surpraisa



von Sibylle Pfiffner

Betg ir a lavurar e far in'excursiun da surpraisa, quai fissi! Quai na funcziuna betg, sch'ins è blau sco in izun, però tgi che ama surpraisas sa lubescha era ina giada in stinchel.

En films da Hollywood èsi usità ch'ils students fan excursiuns da surpraisas. En il cabriolet flizzan els tras las pli bellezas cuntradas. La musica sin il pli aut e per il solit cun in alcopop en maun giudan els cumplainamain il sentiment da libertad ed independenza. Tgi ha schon il privilegi da far in studi e giudair la vita! Gia pli baud preferiv'jau tals films cun happy end. Per ordinari s'inamuravan dus giuvenils anc durant l'excursiun ed il film sentimental era perfetg. Jau crai ch'jau na sun mai stada blaua sco in izun perquai ch'jau hai adina guardà ils films da „teenies“. Hai jau ozendi da ma decider tranter in tal film ed ina festa senza cunfins, elegel jau il film. Però tge ha quai da far cun esser blau? Vulp blaua, anda blaua, squagl blau, morfin blau, balena blaua... Tut è blau. Il rumantsch enconuscha bleras expressiuns en connex cun la color blaua. Per mai na datti nagut pli bel ch'in tschiel blau, aua verd blaua e guardar profundamain en egls blaus sco la mar. A vess ins anc sang blau, fiss l'istorgia in vair sie-mi. Però, pli gugent giudair ina giada u l'otra in stinchel cun il cabriolet che da nudar en ils daners... Il mund miraculus è quel da surpraisas, saja quai quel d'excursiuns, da musica, da films cun in happy end u quel d'izuns blaus. Esser blau sc'in izun n'è dentant definitiv betg mia preferenza.